

Starfs- og siðareglur Regins hf. og dótturfélaga

Reginn hf. er framsækið fasteignafélag sem fjárfestir í, leigir út og annast rekstur á atvinnuhúsnæði. Reginn hf. leggur áherslu á fagmennsku og vill vera fyrsti valkostur viðskiptavina sinna. Siðareglur þessar mæla fyrir um almennar skyldur starfsmanna með það að markmiði að stuðla að heiðarleika, réttisýni og sanngirni í viðskiptum og efla traust viðskiptavina og almennings á félaginu. Siðareglur þessar gilda um alla starfsemi Regins hf. og dótturfélaga, alla starfsmenn og stjórnendur og eftir atvikum stjórnarmenn þess.

1. Gildi félagsins

Gildi Regins hf. eru **lausnamiðuð, ábyrg** og **snörp**.

2. Lög og reglur

Í starfsemi Regins hf. er áhersla lögð á að fara ávallt að lögum og almennum viðmiðum um siðferði í viðskiptum. Starfsmönnum er gert að þekkja lagaumhverfið sem fyrirtækið starfar í. Þá setur félagið sér innri reglur og viðmið sem starfsmenn félagsins starfa samkvæmt.

Við ráðningu skulu allir starfsmenn staðfesta að þeir hafi lesið, skilið og muni starfa samkvæmt reglum félagsins.

3. Áreiðanleiki

Starfsmenn Regins hf. skulu gæta trúnaðar og eru bundnir þagnarskyldu lögum samkvæmt um hvaðeina sem þeir kunna að verða áskynja í starfi sínu varðandi viðskiptavinum félagsins og um starfsemi félagsins.

Starfsmenn Regins hf. skulu gæta þess að upplýsingar sem veittar eru séu réttar og eins nákvæmar og kostur er.

4. Starfsmenn

Starfsmenn Regins hf. skulu leitast við að hafa sanngirni og jafnræði að leiðarljósi í öllum viðskiptum og samskiptum. Starfsmenn skulu koma fram af heiðarleika.

Virðing, sæmd, sanngirni og kurteisi skulu einkenna öll samskipti við viðskiptavini, samstarfsmenn og aðra sem stofnað er til viðskiptasambands við. Í samræmi við jafnréttisstefnu félagsins er öll áreitni og mismunun á grundvelli kyns, kynþáttar, kynhneigðar,



Handwritten signatures in blue ink, including a large signature on the left and several smaller ones on the right.

kynvitundar, kyneinkenna, kyntjáníngar, þjóðernisuppruna, litarhafts, trúarbragða, aldurs, föttlunar, skertar starfsgetu, hjúskapar- og/eða fjölskyldustöðu með öllu óheimil.

Starfsmenn og stjórnarmenn skulu gæta þess, hvort sem er innan eða utan tilskilins vinnutíma, að aðhafast ekkert það sem skaðað getur ímynd eða orðspor þeirra eða félagsins. Slík háttsemi getur t.d. falið í sér hugsanlegt misferli, ofbeldisbrot, refsiverða háttsemi eða hverjar aðrar athafnir sem geta dregið í efa hæfni þeirra og dómgreind til að sinna störfum fyrir félagið. Verði starfsmaður uppvís um einhverja slíka hegðun getur það, allt eftir atvikum og alvarleika máls, haft í för með sér áminningu, uppsögn eða brottrekstur.

Í tilviki stjórnarmanns skal slíkt mál koma á borð stjórnar. Skal viðkomandi stjórnarmanni gefinn kostur á að svara þeim ávirðingum sem um ræðir og stjórnin í kjölfarið fjalla um málið. Séu ávirðingar þess eðlis; að þær gætu kastað rýrð á stjórnarmanninn eða félagið, að draga mætti dómgreind stjórnarmanns í efa eða að þær gætu valdið félaginu orðsporsáhættu, getur meirihluti stjórnar skorað á viðkomandi stjórnarmann að stíga til hliðar og segja sig úr stjórn félagsins. Verði stjórnarmaður ekki við því skal stjórn leggja mat á það hvort boða skuli til hluthafafundar í samræmi við ákvæði 64. gr. laga nr. 2/1995, sbr. síðari breytingar.

Starfsmönnum er skylt er að fara vel með áhöld, vélar og önnur gögn eða tæki í eigu félaganna og þar að auki skal ganga vel um húsnæði félagsins. Í lok hvers vinnudags skulu starfsmenn ganga snyrtilega frá skrifborðum og koma trúnaðargögnum fyrir í læstum hirslum.

Reykingar eru óheimilar í húsakynnum félagsins. Verði starfsmaður uppvís að neyslu ólöglegra vímuefna verður viðkomandi tafarlaust vísað úr starfi.

Einkaerindi skulu ekki rekin á vinnutíma nema með samþykki yfirmanns. Þá skal starfsmaður ekki nota búnað Regins hf. í eigin þágu nema um það sé sérstaklega samið.

Starfsmönnum er óheimilt að stofna til kostnaðar eða skuldbinda Regin hf. og dótturfélög þess án samþykkis þar til bærra aðila og með samþykki framkvæmdastjóra.

5. Hagsmunaárekstrar

Stjórnendur og starfsmenn skulu aldrei láta einkahagsmuni stangast á við hagsmuni félagsins eða viðskiptavina þess. Starfsmönnum ber að tilkynna mögulega hagsmunaárekstra til regluvarðar eða næsta yfirmanns.

Framkvæmdastjórar og regluvörður bera eftir atvikum ábyrgð á að unnið sé í samræmi við reglur þessar og verkferla byggða á þeim.

Þannig staðfest af stjórn Regins hf. þann 9. júní 2022.

Benedikt Olgeirsson



Bryndís Hrafnkelsdóttir



Guðrún Tinna Ólafsdóttir



Heiðrún Emilía Jónsdóttir



Tómas Kristjánsson

